



UNIVERSITÄTS-
BIBLIOTHEK
PADERBORN

**Series Episcoporum Archiepiscoporum Et Electorum
Moguntinorum, Trevirensium Et Coloniensium**

Kolb, Gregor

Rottwilae, 1725

VD18 12054054

Ex Divorvm Clericorvm Maximo Numero Nonnulla Nomina Ordine
Alphabethi.

[urn:nbn:de:hbz:466:1-64326](#)

verius voluit, quam jure potuit reprehendere, & Lectori exos reddere. Optatam igitur extollendi Clericos nostros obtulit ansam Hübnerus licet maximè invitus.

X. Veniant jam nobis Parochorum clarissimorum nomina, ut ex paucorum exemplis appareat, quales quantique fuerint plurimi, quos sua quæque novitætas, & eos posteritati licet facile intelligere ex multorum authorum libris, ac fortè etiam ex hoc præsenti libello. Argumenti instar eadem præclara nomina erunt nobis ob id etiam, quod Hübnerus ipse eorundem aliquot suo more laudârit:

**EX DIVORVM CLERICORVM MAXIMO
NUMERO NONNULLA NOMINA OR-
DINE ALPHABETHI.**

- S. Albanus Epilepticorum solatum *ditus.*
- S. Aquilinus peste laborantium *salus.*
- S. Batho famelicorum nutritius.
- S. Burchardus claudorum baculus.
- S. Eulogius Verbi Divini seminator zelosus.
- S. Felix suppressæ veritatis defensor.
- S. Florinus indefessi pastoris ectypion.
- S. Gamelbertus Propheta sanctus.
- S. Gisilarius Cathechista sedulus.
- S. Goar adversus detractores Patronus.
- S. Guilielmus vocatus à Deo Sacerdos.
- B. Hieronymus Simon Passionis Dominicæ cultor.
- S. Joannes Nepomucenus silentij custos & justi honoris defensor.
- Ven. Joannes Sarcander Martyr invictus.
- S. Jvo pauperum advocatus.
- S. Præcordius in provocandis pluviis alter Elias.
- S. Toffo cereus nunquam deficiens.
- S. Trudo Hasbaniorum Apostolus.

S. Va-

S. Valentinus veritatis Christianæ zelotes.

S. Wolfoldus contra calculum Patronus.

S. Wonedulffus claudorum & cæcorum Adjutor.

Hos paucos ex multis colligere veluti in fasciculum florum placuit, ut virtutum multarum odorem olfaciendum darem Lectoribus Orthodoxis & Heterodoxis.

En! amicissime Lector argumenta decem ab ipsis met Clericorum nostrorum reprehensoribus in Hübneri tomulis ipsomet authore errorem suum non notante sparsim conscripta, & cauſe melioris partibus relictæ, ex quibus rem perfunctoriè etiam consideranti facile patebit, partem Clericorum sanè magnam Seculis non modò à morte Servatoris nostri proximis, sed & omnibus reliquis constitisse sibi plurimum in munere Apostolico ritè obeundo. Quod ipsum quam egregiè, præsertim à Tridentini Concilii ætate præstetur à Pontificibus Romanis tanquam Supremis Ecclesiæ Parochis, item à Patriarchis, Primatibus, Archiepiscopis, Episcopis, Præsulibus minoribus, & Parochis plurimis omni virtutum & scientiarum genere celeberrimis, minimè opus est, ut pluribus scribat calamus, dum orbis Catholitus loquitur universus. Si igitur, veluti crebrò contendit Hübnerus cum sociis, fuit plurimorum Sacerdotum crassa ignorantia, legum divinarum ac humanarum libera transgressio, Venetis & Bacchi connubia perpetua &c, quæ vocat deficientis Ecclesiæ Romanæ argumenta; tunc considerent etiam atque etiam æquissimi rerum arbitri, an non hæc ipsa fuerint invalescentis, & instar lolii inter vepres crescentis Lutheranæ Religionis nutrimenta & augmenta ac prima fundamenta: considerent pariter, an si hodie cum sociis venirent, veluti venerunt Calvinus, Lutherus, Zwinglius &c, an putas his locum concederent Parochi plurimi Romani, natione Germani literis, moribus & virtutibus instructissimi simûlque præstantissimi, quales ac quantos nimirum ante aliquot Secula multo tempore exoptârunt boni

M m om-

omnes sibi & exspectârunt , non tamen impetrârunt , atque adeò ovium instar ex defectu pastorum & pabuli melioris ad deteriora pascua declinârunt plurimi, haudquaquam declinaturi hodie, si res foret integra. Argumento sint Reges , Duces , Viri fœminæque Principes per Europam maximè , ad Orthodoxa Sacra reduces unà cum multis mortalium resipiscentium millibus.
Leg. Seriem Rom. Pont. Imperatorum, & reductorum passim nomina multa.

REFLEXIO XVII.

AN CONSULTIVS FVERIT ADHÆRERE ALBERTO ELECTORI MOGUNTINO IN FIDE ROMANA FIRMISSIMO , AN VERO IOANNI FRIDERICO ELECTORI SAXONICO LUTHERI PLACITA AMPLECTENTI.

Quantæ turbæ in Ecclesia & Imperio Germanico secutæ fuerint duobus abhinc Seculis vel ob id maximè , quòd Albertus natus Marchio Brandenburgicus, electus dein Magdeburgicus Arhipræfus, & Moguntiæ Elector, posthabito Lutherò Joannem Tezelium ex Ordine Prædicatorum Virum doctissimum sibi delegerit ad promulgandas Jubilæi indulgentias , non inter doctos duntaxat , sed in vulgus etiam est notissimum. In illo maximo rerum discrimine Tezelius Alberto Electori tanquam petræ institit & adhæsit firmissimè : Lutherus ut & ipse initeretur columnis , providit sibi de Viris Principibus , præser-tim verò de Joanne Friderico Electore. An igitur Albertus , an Fridericus , an Tezelius , an Lutherus ex prudentiæ regula egerit magis , jam paucis est discutiendum.

I. Albertus eligendo sibi in promulgatorem indulgentiarum Joannem Tezelium jure suo usus, nullius jus læsit : Fridericus Lutherum electo Joanni summopere invidenter nullo jure, aut saltem maximâ Alberti offensâ , sibi propugnandum suscepit.

II. Alber-